



Tlhakole 21, 2022

KITSISO

KEMISO YA TIRISO YA DICHEKE MO BOTSWANA

Sechaba se itsisiwe gore tiriso ya dicheke mo Botswana e tlaa emisiwa go simolola kgwedi ya Hirikgong e rogwa ka ngwaga wa 2024. Tshwetso e, e tserwe ke Banka ya Botswana e tshwaragane le lekgotla la dibanka la Bankers Association Botswana, ka fa tlase ga tsamaiso ya Botswana Automated Clearing House, e e tsamaisang kananyo ya dituelano. Thulaganyo e ya go emisa tiriso ya dicheke, e akaretsa badirisi botlhe ba dicheke, ba ba duelwang le ba ba duelang ka tsone.

Kemiso e ya dicheke e tla jaana morago ga gore dibanka di itemogele kwelo tlase ya tiriso ya dicheke, bogolo jang ka tiriso maranyane a kabelano ya madi e tswelletse ka go gola. Go nna teng ga maranyane a, go tlhofofaditse dituelano le go fokotsa ditlhwatlhwa tsa go duelana, le go tokafatsa itshireletso mo go tsa dituelano. Se, se dirile gore tiriso ya maranyane e nne botoka mo go ya dicheke.

Tiriso ya dicheke, e angwa ke dikgwetlho tse di latelang:

- Dituelo tsa dicheke di bonya e bile di tsaya lobaka (malatsi a mabedi goya kwa go a mane);
- Dicheke di tshabelelwa ke borukutlhi jwa go itirisediwa ke batho ba eseng beng ba tsone, ba ipeela menwana e seng ya boaamauri;
- go motlhofo go solofetsa motho go mo duela ka go kwala cheke mme mokwadi wa yone a sena madi ko bankeng;

- go diragatsa dituelano tsa dicheke go tlhoka boranyane jo bo tseneletseng le ditsompelo tse di turang, go rurifatsa boleng jwa cheke; le
- tiriso ya dicheke le ditirelo tsotlhe tse di tlhokang go amogana dipampiri di amilwe segolo bogolo ke manokonoko a mogare wa COVID-19.

Ka jalo, go simolola Sedimonthole a le masome mararo le bongwe, ngwaga o o tlang wa 2023, dibanka tsotlhe mo Botswana di tla emisa go amogela dicheke mogo tsa peeletso kana kamogelo ya madi. Ka jalo, sechaba se gakololwa, mo godimo ga madi, go dirisa mefuta e mengwe ya dituelo jaaka dikarata tsa dibanka, tuelano ka tsa tlhaeletsano, peeletso ka tsa maranyane, tuelano ka megala ya letheke, le maranyane otlhe a a mo tirisong.

Dibanka tsotlhe mo Botswana di tlaa tswelela ka go itsise le go ruta Sechaba ka mekgwa e mengwe ya tsa tuelano, bogolo jang dituelo tsa maranyane

Sechaba le botlhe ba ba amegang ba rotloediwa go ikgolaganya le dibanka tsa bone gore ba kaediwa mefuta e mesha ya dituelano, le go isa dipe fela dingongorego tse ba ka tswang ba na natso tse di amang kemiso tiriso ya dicheke.

Go itse go feta fa, o ka ikgolaganya le Banka ya Botswana, ka go leletsa , Dr. Seamogano Mosanako. Head of Communications and Information Services, at mosanakos@bob.bw or telephone at +267 360 6083 or 360 6382 or +267 360 6315 or www.bankofbotswana.bw